

Թեան, զղապա Տաւուտ, և զոմանս յայլազգեաց, և եհարց ցնոսս • Թէ արդարեւ ըստ զօրութեան վաւերական գրոց՝ կատարե՞ն Հայք զպաշտօնս իւրեանց՝ ի գերեզմանի Ս. Կուսին, և նոքա ասեն՝ այո՛. զի ունին անդ յասկացեալ տեղիս, և սահմանեալ օրս և ժամանակս • գնան անգմիաբանք, ուխտաւորք և ժողովուրդք նոցա առանց հակառակութեան ուրուք, որպէս հրամայեալ են առաջին թագաւորք։ Լուեալ դատաւորին զայնոսիկ, հրաման ետ Հայոց անխափան կատարել զպաշտամունս իւրեանց ըստ առաջին սովորութեան • և պատուէր ետ Լատինաց չընդգիւմանալ Հայոց։

Այլազգիք Երուսաղէմի ոչ երբէք դադարէին ՚ի հակառակութենէ իւրեանց, որպէս ՚ի ամին ամի Ֆազլալլահ անուն ոմն՝ ՚ի ժառանգաց Շէյխ Ահմէտ տէճենեայ տմբաստան եղեւ զՅովհաննէս վարդապետէն, թէ գերեզմանատունն և տեղին Ս. Փրկչի վանաց լեալ իցէ ՚ի կալուածոց հաւուն իւրոյ, և խնդրեաց ՚ի դատաւորէն պատուէր տալ Հայոց յանձնել ինքեան զայնոսիկ տեղիս, և կամ հատուցանել վարձս ամ ըստ ամէ։ Կոչեցաւ Յովհաննէս վարդապետ տեղակալ, այլ ՚ի բաց մերժեաց զխնդիրս նորա, հաստատելով վաւերական գրովք թէ տեղիքն այնոքիկ սեփհական են ազգին Հայոց, և ժառանգեալ են ՚ի սկզբանէ անտի, ուր թաղեն նաեւ զննջեցեալս իւրեանց • Շէյխ Սալէհ յարոյց զխնդիրս զայս յաւուրս Անդրիաս Պատրիարքի և ՚ի թարգմանութեան Աստուածատուր վարդապետի, այլ ոչ կարաց հաստատել և շահիլ ինչ։ Իբրեւ յայտնի եղեւ ստութիւն նորա, մերժեցաւ յատենէ դատաւորին, և վերստին հաստատեցաւ իրաւունքն Հայոց։ Առաջի արտօր Յովհաննէս զգրեանսն, և ընթերցեալ դատաւորին, մերժեաց զճազալլահ յատենէ իւրմէ իբրեւ զստախօս, և վերըստին գրով հաստատեաց զժառանգութիւնս Հայոց։ (1714)։

